

小山田興清墓 其二

先考諱興清字文儒號松屋小山田氏系出于葛原親王十三世孫小
 山田別當有重祖考諱本孝祖妣平氏以天明三年三月十七日生
 于武藏多磨郡上小山田村弱冠移住江戶贅高田氏襲三潞漕運事
 稱六郎左衛門文政中疾而老使孫清常代職遂復小山田氏既而出
 為
 華頂王府亞大夫 賜俗稱外記弘化四年三月廿五日以疾歿
 年六十五葬于深川靈巖寺高田氏先塋側法號曰天真院性譽知非
 文儒居士先考夙以通博稱尤邃 皇朝之學列侯以下待以師禮者數百人
 生平撰述極多其脫稿者僅 傳于世焉 弘化五年三月 孝子興叔建

